

欽定剿平粵匪方略

欽定勦平粵匪方略卷二百八十二

辛酉年

十二月十七日

庚午

馮子材魁玉奏言

臣等

探聞

金陵逆首洪逆發率賊萬餘由東陽撲犯鎮郡

逆首方姓偕龍潭石埠橋諸逆水陸分竄鎮境

經臣通飭各營嚴加戒備一面飛咨江甯將軍

都興阿挑選馬步精兵助勦一面調派鎮營

隊伍每日出城巡哨以作游兵十一月二十七

日副將文龍德統領一成馬隊至九華山後划
子橋地方突與賊遇排隊開槍賊衆千餘來抗
參將林從太等揮軍進擊陣斬悍賊數名賊悉
敗遁遊擊杜日新率軍追至甘棠橋地方山後
伏賊擁出抄襲後路文龍德督隊應援復抄賊
後短兵相接賊勢稍挫把總黃興隆周復張湧
殺入賊隊奪旗斬寇力挫兇鋒該三弁身受流

矢重傷次第陣亡杜日新等帶傷力戰賊始敗
退本月初二日都興阿挑選馬步勇丁一千名
配齊軍火器械飭參將鄭啟貴管帶來鎮助勦
並派京口副都統海全統親軍馬隊及楚勝銳
勝兩營勇丁一千名相繼渡江策應初四日揚
防兵勇齊到壁壘一新臣等與海全會商戰守
機宜初五日臣魁玉督率兵勇謹守內外兩城

臣馮子材親督在防將士率四成隊伍海全帶
本部馬隊及楚勝銳勝忠新各勇會同出勦行
至甘棠橋正與犯鎮大股賊匪相遇海全卽統
防禦博爾圖善等由中路進剿參將鄭啟貴遊
擊周得雙等各率所部分左右兩路夾擊臣馮
子材調各營官兵亦分三路會剿賊衆敗竄官
兵追至花村計斃賊五百餘名初六日臣魁玉

復在內外二城督兵嚴守臣馮子材仍與海全各率原部進攻前軍將至花村海全見該逆原紮數營之西通丹陽大路又添賊營二座遂分兵催向新添賊營進發臣馮子材與總兵富陞率鎮防將士馳向花村賊衆約七八千名開放槍礮阻抗官軍總兵富陞帶劈山礮隊向前轟擊臣馮子材督飭馬隊分兩翼橫衝賊始稍卻

富陞乘勢擣其中堅馬步官兵繼進黑旗賊隊
蠭擁來援富陞左腕已受槍傷仍復奮身前進
中礮陣亡千總孫培元等同沒於陣文龍德怒
馬衝鋒手刃悍賊二名正鏖戰閒海全軍至勒
兵徑赴花村策應防禦慶順等率軍奮戰殺賊
甚多賊始返奔臣等以賊衆我寡未便窮追乃
令撤隊海全自領親軍殿後羣逆返撲經該副

都統回身迎戰斃賊尤多賊遂敗退臣回營後
查各營將士傷亡一百餘名相應請

旨准將陣亡河南河北鎮總兵富陸等

飭部照例從優議卹現在賊匪愈聚愈多誠非一時
所能埽蕩臣等惟有會同海全竭盡血忱亟籌

防勦

馮子材魁玉又奏言臣等伏查初六日花村之

戰陝西延綏鎮總兵陶茂森所部帶隊官觀望
不前臣馮子材親統諸軍勦賊鏖戰之際副都
統海全正在督率所部擊賊新營尙能策隊應
援乃鎮防帶隊官延不向前實屬咎有應得相
應請

旨將帶隊官廣西提標後營遊擊楊廷福福建銅山
營遊擊梁成華二員摘去項戴以示懲戒至陶

茂森打仗素稱勇敢此次督勦不力可否從輕
交部議處如敢再蹈前愆定當從嚴叅辦至富
陞部將貴州鎮遠鎮標左營遊擊屈占元遊擊
霍名陞二員於主將陣亡之際不能救護畏怯
已極相應一併請

旨將該二員摘去項戴以申軍律

魁玉又奏言臣魁玉查初六日之戰總兵富陞

與六品軍功馮明初均係奮不顧身撲入賊隊
因距賊較近富陞身受槍傷仍奮力鏖戰中礮
捐軀馮子材之堂弟六品軍功馮明初亦同時
中礮陣亡該軍功死事情形實屬可憫相應請
旨飭部從優議卹奏入

上命議政王軍機大臣傳諭官文曾國藩都興阿馮
子材魁玉曰馮子材魁玉奏江皖大股逆匪合力

撲犯鎮江經都興阿派令副都統海全帶兵二千
名赴鎮會同馮子材出城勦賊未能得手總兵富
陞中礮陣亡逆寇愈聚愈多等語鎮江爲南北咽
喉關繫緊要現在逆匪屬聚勢甚危急都興阿雖
經派兵赴援而賊衆兵單一時未能擊退且揚防
兵力本不甚厚誠恐上游賊匪被楚軍勦急下竄
尤宜豫爲防範以固江北藩籬昨據曾國藩奏稱

欽派道員李鴻章統帶水軍並陸軍六七千名馳
赴鎮江聯絡淮揚爲規復蘇常之計已諭令照擬
辦理著官文曾國藩迅速會商如有可籌撥兵勇
卽派委委員統帶交都興阿嚴密布置以備援勦
兼司策應淮揚以固東南大局此時鎮城軍情緊
要馮子材魁玉等務宜督飭兵勇會同揚郡援兵
將近城屯聚賊壘力行攻克以免被賊圍逼都興

阿仍宜隨時相度緩急添兵策應並於江北地方嚴密防堵毋令天六賊匪竄撲揚郡致滋延蔓

上諭內閣曰金陵逆匪偕龍潭石華橋諸逆分犯鎮江馮子材親督兵勇會合出剿總兵富陞等中擊陣亡副都統海全派援兵勇趕到奮擊賊始敗退著馮子材會合海全督帶兵勇相機勦洗務將攻撲郡城賊匪悉數殲除毋留餘孽陣亡河南河北

鎮總兵富陞貴州千總孫培元湖南領軍中營把
總向秀明陝西提標前營把總華生彩四川松潘
營外委馬玉得建昌越建營外委趙廷祥湖南領
軍中營把總黃興隆四川軍標右營把總周復把
總張湧力戰捐軀深堪憫惜均著交部從優議卹
廣西提標後營遊擊楊廷福福建銅山營遊擊梁
成華觀望不前貴州鎮遠鎮標左營遊擊屈占元

遊擊霍名陞於富陸陣亡之時不能救應厥咎甚
重楊廷福梁成華屈占元霍名陞均著卽行革職
仍留軍營以觀後效陝西延綏鎮總兵陶茂森著
交部議處以示懲儆魁玉奏馮子材堂弟馮明初
同時陣亡懇恩優卹等語六品軍功馮明初著交
部從優議卹

十八日 辛未 慶端奏言 臣前奉

諭旨令卽提師赴浙督勦現在福甯瑞匪雖已擊退
而平陽台州匪黨甚多新昌等縣失守北路情
形喫重臣督師西出實增後顧之憂惟浙省待
救孔殷師期不能再緩臣親統兵勇於十一月
十九日由福州帶印起程馳赴建甯府城暫紮
一俟處州攻剿得手北路稍鬆立卽進紮衢州
現令總兵林文察先攻處州道員李元度一軍

仍攻龍游總兵李定太派機兵勇進攻壽昌查
前陝安鎮總兵秦如虎續募楚勇未能卽到署
臺灣鎮總兵曾元福所募臺勇內渡亦尙需時
現令福甯鎮總兵曾玉明遴員添募臺勇二千
名爲航海援浙之用其原派護海壇鎮總兵顏
青雲由海道援甯波之師因兵力過單未便輕
進已飭俟曾玉明所募臺勇到省再行合隊赴

浙至福鼎防勦事宜臣出省後應由福建撫臣
瑞璗就近調度所有臣軍餉需並由瑞璗督率
司道力籌接濟省城巡防事宜應由瑞璗會商
福州將軍臣文清派發旗綠各營官兵添募壯
勇布置防範奏入

上命議政王軍機大臣傳諭慶端瑞璗沈葆楨曰慶
端自九月閒已有援浙之請疊經諭令馳赴閩浙

交界地方以壯聲援迨聞浙報日警該督藉口北
路喫緊至今已逾兩月輒思駐紮建甯顯係心存
畏葸曾元福所募臺勇早據該督奏報何以不催
令內渡顏青雲由海道援浙之師開甯波有警正
當星馳往援乃該督信其飾詞任令俟曾玉明募
勇到後再行前往曠日持久亦安用此援兵爲耶
現在左宗棠已由廣信統兵援浙鮑超亦進攻甯

國浙省援師已集著慶端仍遵前旨馳赴閩浙交界地方駐紮並迅催曾元福等所募臺勇卽日內渡顏青雲卽飭由海道援浙毋再遷延干咎左宗棠計已抵浙所有進剿機宜卽著會商辦理該督餉需仍著瑞璣力籌接濟不准稍有缺誤閩省巡防事宜卽由瑞璣會同文清派撥旗綠各營官兵添募壯勇妥爲布置其溫台閩徒迅飭秦如虎等

趕緊勦除毋令蔓延前任江西吉南贛甯道沈葆
楨朕久聞其德望冠時才堪應變曾明降諭旨令
赴曾國藩軍營聽候錄用本日復降旨超擢江西
巡撫該撫雖係回籍養親之員第賊匪一日未平
則臣子之心一日不得自安況移孝作忠古有明
訓朕以該撫家有老親因擇江西毗鄰省分授以
疆寄風土不殊迎養亦近且係該撫曾經仕宦之

區將來懋建殊勳尤足光榮門戶以承親歡該撫
讀書明理經朕如此體恤如此破格委任諒不至
再有瀆請現在江西辦理善後撫綏閭閻正需才
德兼備之員著卽馳赴新任認真辦理儻仍以養
親等事希冀辭讓朕亦不能允准也

慶端又奏言臣奉

命人浙督師軍餉亟應豫籌業經奏撥閩海關稅銀

暨廣東協餉各二十萬兩迅速解濟此次赴浙
各軍並添調江西湖南水陸兵勇需費甚鉅查
閩海關前經浙江撫臣王有齡奏准按月協濟
銀五萬兩本年僅解過銀九萬兩湖南湖北江
西三省奉撥每月協浙銀各二萬兩又江西省
欠解原撥協浙銀三萬五千兩均未籌解其粵
省原欠協閩銀三十九萬二千三百餘兩又續

撥銀二十萬兩迄未解閩相應請

旨飭下福州將軍將閩海關協浙銀兩就近撥赴臣營無論常洋兩稅及洋藥稅銀每月起解銀五萬兩並請

飭催兩湖督撫臣先行起解協浙餉銀各十萬兩以後按月接濟銀二萬兩江西撫臣將原欠協浙銀三萬五千兩按月協餉二萬兩分別籌撥一

併解赴衢州兌收轉解廣東應解閩省餉銀五
十九萬二千三百餘兩分作六批按月委解銀
十萬兩由海道解赴臣營俾收飽騰之效奏入
上命議政王軍機大臣傳諭文清官文李續宜毛鴻
賓勞崇光耆齡李桓曰慶端奏現在入浙督師應
豫籌餉糈等語著文清於閩海關協浙銀兩無論
當洋兩稅及洋藥稅銀就近每月撥銀五萬兩其

湖北湖南協浙餉銀著官文李續宜毛鴻賓先行
解銀各十萬兩以後仍按月撥解銀二萬兩毋稍
短絀其江西原欠協浙餉銀三萬五千兩並按月
協餉二萬兩卽著李桓分別籌撥一併解赴衢州
至廣東應解閩省餉銀五十九萬二千餘兩著勞
崇光耆齡迅速籌撥分作六批按月委解每批銀
十萬兩由海道赴慶端軍營以裕支放毋得遷延

致誤要需

慶端又奏言臣前因浙江紹興失守甯波危急飭調海壇鎮標兵丁三百名與臺泉壯勇一併遴委大員統帶航海馳援茲據護海壇鎮標左營遊擊劉有功管帶海壇營兵丁三百名到省經臣飭委道員章環武副將郭什春點驗據報堪以留用者僅八十七名其餘二百十三名技

藝生疏難期得力臣查海壇鎮標兵丁平時既不訓練此次調赴甯波援剿復不認真挑選率將技藝生疏之人充數該管將弁廢弛玩泄實堪痛恨相應請

旨將前護海壇鎮總兵顏青雲護海壇鎮左營遊擊劉有功護右營遊擊何海清摘去項戴代辦左營守備王廷勳代辦右營守備王欽恬一併革

職留任以示懲儆奏八

上諭內閣曰慶端奏調派赴援兵丁難期得力請將該管鎮將備弁分別摘項革留等語前因浙江甯波危急該督調派海壇鎮兵援剿該鎮兵丁到省經慶端委員點驗率多技藝生疏不堪留用該管將弁平時不加操練此次挑選復不認真實屬廢弛玩泄前護海壇鎮總兵顏青雲護左營遊擊劉

有功護右營遊擊何海清均著摘去頂戴代辦左營守備王廷勳代辦右營守備王欽恬均著一併革職留任以示懲儆

同日賈臻奏言本月初八日據署廬鳳潁道葉春培稟稱初七日有狗逆陳玉城夥黨馬逆帶賊數萬至潁上縣西勢將圍攻郡城復據紳士楊錫珩稟報探聞廬郡克復所有髮逆前隊程

保民於初五日已到尖鎮北四十里之南照集
李家圩屯踞四眼狗續到正陽關各等情伏查
大股逆匪乘虛北犯潁州爲所必經萬一郡城
有失北路大局何堪設想現已飛咨河南撫臣
嚴樹森扼守光固信陽以固豫省南路門戶並
分咨統率楚軍各員設法繞出賊前迎頭遏勦
查廬州已復多隆阿一軍自應乘勝緊追恐以

苗沛霖撫局未定先清正陽壽州則官軍又將
率掣狗逆轉得乘隙北奔而苗沛霖自知反正

無路將與粵逆之交愈固現聞苗沛霖已赴袁

甲三軍營乞撫應由該大臣因勢利導暫示羈

縻仰懇

皇上飭下將軍多隆阿迅統廬州得勝之兵於正陽
關上游設法渡淮分防霍六之總兵成大吉道

員藉凝學等亦卽由三河尖馳赴潁郡狗逆聞
北面有備必不敢率衆深入臣仍就現有兵力
與在城官紳團練竭力防勦不敢稍涉鬆懈奏

八

上命議政王軍機大臣傳諭曾國藩袁甲三彭玉麟
賈臻李續宜嚴樹森毛昶熙曰賈臻奏探聞狗逆
陳玉城夥黨馬逆帶賊數萬至潁上縣西並探聞

廬郡已經克復髮逆程保民於南照集等處屯踞
四眼狗亦接踵到正陽關等語該逆意圖北竄潁
州爲所必經若如該署撫所奏廬州克復多隆阿
一軍自必乘勝追勦著曾國藩卽飭令該將軍統
廬州得勝之兵於正陽關上游渡淮進擊彭玉麟
李續宜亦可飭統率楚勇各員繞出賊前迎頭遏
勦其總兵成大吉道員蔣凝學等並催令徑由三

河尖馳赴潁郡以備北面毋任該逆深入至光固
信陽一帶爲豫省南路門戶卽著嚴樹森毛昶熙
督飭各軍實力扼守又據奏探聞苗沛霖現已赴
袁甲三軍營乞撫是否確實該大臣總宜相機辦
理毋令與粵逆互相勾結以致官軍爲之牽掣賈
臻現在潁郡責無旁貸仍應就現有兵力與在籍
紳練實力防勦不得稍涉鬆懈

同日江西學政單懋謙奏言
臣奉

諭旨以御史朱夢元等奏撫藩大員聲名平常恐詛

大局令臣訪查覆奏查原奏稱江西自上年冬

閒被賊竄擾南贛吉甯撫建廣饒瑞臨等處數

月之間連陷數十州縣撫臣毓科置若罔聞一

籌莫展等語臣查上年冬閒由粵竄閩之賊擾

及南贛甯都屬縣甫籌議勦旋卽遠颺本年二

月忠逆大股自浙竄擾建昌旋圍撫州經撫臣
毓科調派平江和宇等營協同防撫之劉于潯
水陸各軍合力勦擊得解撫圍賊遂乘虛西渡
竄陷吉安旋踞瑞郡瑞郡距省百餘里省會防
兵無多難於分調時撫防稍鬆撫臣卽調援撫
各軍往瑞援勦而緩不濟急兼之賊衆兵單驟
難得手以致踞瑞日久漸益蔓延撫臣始飛咨

兩江督臣曾國藩調派鮑超帶兵來援攻克瑞
州跟蹤追勦賊遂敗竄浙境原奏又稱平時性
耽麴糵遇事顙預聞該撫臣向患肝鬱時服藥
酒遇事過爲推詳未能速斷所奏似非無因該
撫臣與臣接見時每言軍務難辦晝夜焦灼察
其情形非不殫心籌畫惟應變之才本非所長
適當賊匪肆擾之時兵勇不敷調遣展轉遷延

援勦難資得力現雖全境肅清而善後急宜妥
辦兼以籌備浙防接濟皖餉恐未能措理裕如
至原系新任藩司慶廉前在浙江運司藩司及
河南巡撫任內各款查該藩司浙藩任內被撫
臣晏端書系奏豫撫任內與藩司賈臻互相叡
計俱在

聖明洞鑒之中江西距浙江河南俱遠該藩司現未

到任無從訪查未敢妄陳奏入

上諭內閣曰前因御史朱夢元胡壽椿華祝三奏參江西巡撫毓科於江西賊竄數十州縣一籌莫展平時性貪麴鑿遇事顚預布政使慶廉前在浙江運司及藩司任內加課肥已賣缺納賄任河南巡撫時辦事糊塗及移師歸德陳州地方防勦糜餉無功致與藩司互相糾訐等款當經降旨令前任

江西學政單懋謙詳查具奏茲據奏稱上年賊擾
南贛甯都建昌瑞州等處該撫調兵援勦緩不濟
急以致賊匪竄陷吉安旋踞瑞郡日久未克其平
時飲酒廢事於軍務未能措理裕如布政使慶廉
被叅各款並據單懋謙奏查無實據惟前在浙江
藩司任內經前撫臣晏端書列款糾叅在河南巡
撫任內與藩司賈臻互相叅訐聲名甚爲狼籍江

西巡撫毓科著卽革去巡撫來京以四品京堂候
補布政使慶廉著卽休致以示懲儆

二十日癸酉彭玉麟奏言臣渥蒙

聖恩忝任皖撫責無旁貸本應恪遵

指示親赴潁阜一帶相機援勦無如臣從軍八年專

帶水師未曾募練陸師亦未曾在陸路打仗接
受撫篆良非所宜現在長江上下千有餘里水

師船隻千餘號自楊載福假旋後臣督率布置
未可遽離將來楊載福回營如下勦蕪湖金陵
臣須與之分路督勦如皖浙之賊再竄江西湖
北臣與楊載福當一駐皖江一駐鄂江以資控
扼頃自運漕回至安慶與督臣曾國藩熟商曾
國藩亦以水師責任重大楊載福尙未假旋囑
臣不可舍水就陸伏懇

聖主鑒臣微悃准開臣缺仍令督帶水師進剿另請
簡派賢員接任以防北路實於大局有裨奏入

上命議政王軍機大臣傳諭曾國藩彭玉麟曰前據
彭玉麟奏不習吏事懇請開缺仍帶水師當經諭
令仍行接印任事一面諭令曾國藩酌量具奏茲
據彭玉麟奏皖撫宜帶陸兵該撫難離水管仍懇
准令開缺等語所陳自係實情該撫居心誠實不

欺卽此可見惟苗練現在勾結髮逆肆行竄擾潁
州危急晚撫一時難得其人彭玉麟身任地方責
無旁貸自應遵照前旨統帶楚師速行繞赴潁阜
一帶嚴扼北路要隘毋任匪蹤上竄如彭玉麟自
分舍水就陸諸多掣肘當此皖省軍情萬緊著卽
會同曾國藩李續宜籌商人才薦賢自代卽由曾
國藩等迅速奏聞候旨簡放提督楊載福請假回

籍行抵何處著曾國藩催令該提督迅速回營如
果彭玉麟可以赴任庶水師不至無人統帶

二十一日

甲戌

大學士銜管理工部事務翁心存

奏言臣惟逆賊自金陵突圍後席捲而東蘇常

數郡之地盡爲賊踞嗣後曾國藩軍威大振徽

州安慶次第克復於是蘇常之賊悉其精銳與
曾國藩相抗不能得志則併力竄突浙中其留

守蘇常者類多本處亂民爲賊奔走飾詞就撫
夫賊勢方張焉有就撫之理是直以術餌我耳
而上海兵勇數萬江海關稅及一切釐金並沙
船捐項每月不下數十萬按甲不動僅能自完
轉欲購求內應以倖成功此蘇常所以久不克
復而百姓終陷於水深火熱之中也東南之民

感沐

國家深仁厚澤綏義甚堅卽如臣本籍常熟縣去
歲自四月至八月孤城屹立相持至百有餘日
外援不至終以失陷而鄉民中尙有結團自保
不願從賊者臣思通州泰州如皋興化一帶沃
野膏腴俗稱下河產米甚富淮南鹽場鱗次櫛
比課稅所出與蘇常屬縣僅隔一江風帆瞬息
可達誠非不垂涎此地所以不卽渡江者特以

迎敵上游無暇分顧耳設全浙震動巢穴已成
回兵北竄則下河必不能保今年六月賊匪擾
近通州該處並無守兵臣里士民雖有在通州
集貲募勇思奮一旅者特以無人提倡不克有
爲臣按沿江形勢西則瓜儀東則通泰今瓜儀
已有重兵控制而通泰猶覺空虛此時曾國藩
駐紮安慶力扼上游所部兵勇無多斷不能浮

江直下卽左宗棠李元度等力救杭州肅清兩
浙亦斷不能遠顧江北臣聞蘇常士民盼曾國
藩如慈父母以臣愚見可否

密飭曾國藩擇一廉明果敢素能辦賊之員馳赴通
泰一帶察看情形收拾將散之人心激勵方興
之義旅果能自立則乘虛進擣蘇常當自江陰
常熟始如或不能則力保下河數百里沃壤峙

備兵食遏賊北趨非特於東南大局爲有關係
也竊謂

國家財賦首重蘇常而欲克復蘇常宜及百姓引
領望救之時奮發集事至上海一隅尤宜固守
取江海關無窮之利以供曾國藩等有用之兵
籌兵糈者莫要於是再聞上海縣知縣劉郇膏
官聲素好甚得民心屢次帶勇捍賊聞警卽行

忠義奮發伏祈

飭下曾國藩查明該員是否名實相副有無戰績量
才擢用於地方不無裨益

同日宋晉奏言查蘇常滄陷已逾一載間悍賊
均已分赴浙江及蕪湖等上游蘇常各縣守城
之賊人數不多此時若得勁旅數千督以得力
將帥倡導沿江團練一鼓而前乘我之憤擊彼

之惰各縣似無難次第克復第撫臣薛煥現在
上海一隅未克進圖收復惟有合江北將帥之
力乘隙分道進攻則賊亦以分應勢單易於撓
敗查江北之通州海門崇明與常熟江陰僅隔
數十里或百里海面鎮江與丹陽常州相距亦
在數十里百里之內可否

密飭都興阿選派驍勁兵將出其不意分道進攻並

先期知照撫臣密派才能任事民情信服之員
分投密約蘇常太沿江結團義民同時並舉則
被陷州縣庶可計日克復

國家漕賦可望卽復舊規均奏入

上命議政王軍機大臣傳諭曾國藩都興阿薛煥曰
翁心存奏請力保通泰克復蘇常知縣劉郇膏才
堪擢用宋晉奏蘇常淪陷日久請合江北兵力以

圖江南各等語江蘇省自蘇常滄陷以後惟通泰
如皋等數州縣尙屬膏腴上海爲關稅所出足供
兵餉惟皆偏近賊氣非力籌進勦終難自立現在
賊勢專注浙江蘇常匪衆守禦較懈正應乘此亟
圖恢復翁心存宋晉所奏均不爲無見現在曾國
藩駐師安慶爲埽蕩皖北規復金陵之計驟難顧
及蘇常都興阿兵力較厚且由通州等處進攻相

距匪遠較易爲力薛煥僻處一隅尤應與該將軍
聯絡聲勢以勦爲防豈得以目前苟安毫無策畫
卽著曾國藩都興阿薛煥按照所奏各情悉心會
商曾國藩能否派員前往都興阿薛煥應如何會
合進兵均著迅速籌辦據翁心存奏賊匪飾詞求
撫以術餌我必無就撫之理所見甚是薛煥務與
曾國藩等力籌勦辦不得再議招撫致誤事機至

用人爲當務之急翁心存所稱知縣劉郇膏足資任用並著曾國藩等確實查明量材差遣以資得力

同日

上諭內閣曰近年江蘇安徽浙江地方蹂躪小民流離失業慘不忍言疊經降旨蠲免錢糧冀蘇民因現在該三省失陷城邑多未攻克卽令漸次規復

而田廬半遭兵燹耕作未免失時朕謹懷南服深
用惄然所有江蘇安徽浙江失陷郡縣明年錢糧
漕米著一概蠲免以紓民力

臣等謹案聖賢育物之懷固不待羣情之呼
願帝王經世之略端在恤民力之艱難我

國家正供所出惟江浙等省爲最多自粵逆猖狂
東南財賦之區蹂躪殆徧

皇上御極之初特將江蘇安徽浙江被擾各州縣應
徵新賦悉予蠲除痼瘼早切於

宸衷

恩澤必期於下究是以人心感戴徵師輸餉莫不踴
躍奉公數年後巨憝蕩平閭閻安謐孰非
皇仁之廣被有以致之哉

欽定勦平粵匪方略卷二百八十三 辛酉年

十二月二十二日乙亥毛鴻賓奏言石逆闖入楚

境竄擾會同經官軍擊敗後奪路分竄江西街
托口臣已飛飭各營跟蹤追勦十一月初五日
副將周洪印等行抵磨坪賊衆分股來迎都司
楊洪明等帶隊馳至奮力截擊斬殺多名乘勝
進至托口逆黨負隘死拒周洪印等商令楊洪

明繞出賊後併力夾擊賊始大潰撲河死者不可勝計各營長驅直進齊抵江西街賊已由閒道渡河圍撲黔陽縣城署黔陽縣知縣黃杰帶勇在洪江防堵聞警馳回登陴固守都司黃席珍亦率師船抵黔駐泊城河協同守禦賊屢攻撲均經擊退初七日總兵趙福元偵悉賊之大股分屯距城十五里之山門雙溪鋪當派守備

鍾明倫等率各營分三路進攻該逆亦分三路來犯趙福元衝入賊陣手刃賊目一名三路官軍乘勢猛進賊且前且卻鏖戰逾時斃賊八百餘名生擒十八名立將山門賊巢攻破餘賊敗歸雙溪鋪道員席寶田總兵周達武王永章及周洪印戈鑑等先後馳抵黔境於次日分三路進剿賊悉銳抵禦並於陣前林際層層埋伏逆

首賴蕡新率悍賊數百親來搦戰席寶田急督
縣丞錢敬敷等開礮斃賊多名將賊中大旗轟
折周達武揮軍繼進賊退過小澗席寶田越澗
擊之周洪印戈鑑王永章分兩路抄出賊前後
受敵相率潰走林際伏賊齊起拌死蹠隘千總
全國泰等督隊直入守備賴錫光復自山脊馳
下斬悍賊十餘名各勇乘之賊遂大敗席寶田

等追逐三十里殺賊約四千餘名賊既未能逞
志於黔陽於是盡趨榆樹灣將以窺伺辰州沿
途裏脅衆尙數萬查榆樹灣上接沅州下達辰
瀘旁通鎮麻路徑歧出隨在可以竄越臣當飭
署辰沅道兆琛扼要堵勦咨署貴州撫臣江忠
義迅由沅州下擊札趙福元席寶田等跟追十
一日軍至榆樹灣該處要隘先爲賊踞趙福元

等於黎明整隊前進石逆率全股來撲自辰至
申槍斃黃衣騎馬賊目數名賊死拒不退錢敬
敷賴錫光身先士卒躍馬突陣各受重傷錢敬
敷登時陣亡賴錫光裹創力戰時趙福元周洪
印戈鑑左右包抄而來斃一賊目並其前鋒數
十人賊始稍卻忽四面伏賊竝起趙福元已先
令副將文恆久等參錯分布而面策應賊卽潰

竄是時江忠義亦自沅州搜勦而下會於榆樹
灣督同副將黃仁權等縱橫奮擊共斃賊二三
千人石逆知我師雲集乘夜竄走懷化驛徑趨
浦市該市瀕臨大河臣前飭令水師將上游船
隻及停泊木簰悉數驅赴下游使賊無從偷渡
惟辰州一水可通相距僅百餘里若使乘虛肆
擾則常澧皆爲震動當飭副將朱升聞等馳赴

辰州並令總兵劉培元添派師船上駛與陸師
聯絡堵禦趙福元亦卽會同王永章取道蘆坪
桐灣直趨辰州於二十一日抵辰臣揣度賊情
見我辰州有備必將繞竄乾州或徑向保靖圖
與來鳳股匪勾合降補守備鄭陽和已至常德
因飛飭改道永定與知縣易佩紳會合布置並
飭道員劉嶽昭分營由鶴峯州邊界進規來鳳

兼顧永定龍山如果石逆一股勢將合併便可
橫出邀擊臣維石逆以狡猾之技久困粵西此
次拏死狂竄勢將甘心於湖南各營沿途勦殺
幸能力挫賊鋒然兇燄未減辰州現在重兵扼
駐賊下竄無路勢必仍圖入川辰永乾鳳各屬
山徑叢雜賊之詭計每以一股牽掣我師而大
股由僻路竄逸地方士匪往往爲之嚮導雖人

跡罕到之處亦且忍飢疾行臣已飛咨四川督
臣駱秉章貴州提臣田興恕揀派得力兵勇嚴
守邊隘並札飭各營及各地方實力堵禦無論
賊勢竄黔竄蜀皆當星馳進剿以期盡殲醜類
此次各營將士踴躍用命實屬著有微勞可否
由臣擇尤保奏出自

天恩藍翎縣丞錢敬敷於會同黔陽兩次勦賊出力

計功擬保同知茲以臨陣捐軀應請照同知例
從優

賜卹守備孫日和等遇賊打仗力竭被害並請
飭部各照本職從優議卹奏入

上命議政王軍機大臣傳諭駱秉章田興恕毛鴻賓
曰石逆竄擾湖南邊境雖經官軍沿途勦殺力挫
兇鋒而餘衆萬餘勢將乘虛竄逸辰永乾鳳各屬

山徑叢雜自應嚴密防勦毛鴻賓已派副將朱升
閭等馳赴辰州卽著催令速進以勦爲防總兵劉
培元師船一併催令上駛與陸師聯絡抵禦其總
兵趙福元及道員劉嶽昭進規來鳳各軍並著分
別嚴催速籌勦辦務將大股逆匪一鼓殲除毋令
與來鳳賊匪合而爲一致成茲蔓至石逆詭譖異
常行蹤飄忽無論入黔入蜀但令竄及境內皆有

不可收拾之勢田興恕前次奏報內已稱調派逆
兵成應洪等帶兵一千五百名馳赴會同夾擊並
卽督飭該員等星馳前往實力協勦並著略秉寄
於黔楚交界地方揀派得力將弁帶兵防勦毋令
賊蹤擾及邊界

上諭內閣曰石逆自會同縣勦敗後分竄江西街口
等處經毛鴻賓派兵追勦賊由閒道渡河圍撫

黔陽縣城十一月初七初八等日總兵趙福元道員席寶田等督兵分路進剿將山門賊巢攻破殺賊四千餘人黔陽城圍立解仍著毛鴻賓督飭在事員弁實力搜勦盡殲醜類此次出力人員著准其擇尤保奏陣亡縣丞錢敬敷著照同知例從優議卹陣亡守備孫日和外委鄧玉開封潤光六品軍功左萬勝會同縣訓導傅安宗試用從九品廖

碧濤生員粟如金均著交部各照本職從優議卹

二十三日

丙子

賈臻奏言探聞颍上髮逆僞主將

馬融和等共糾匪黨數萬與逆首張落刑定議

於一二日內西犯郡城初十日賊騎距城六七

里窺探路徑大股屯紮郡東六十里鋪及十八

里鋪九里溝一帶當將存營兵勇分紮四關酌

留數百名協同紳董練丁登陴固守而以親隨

小隊作爲游兵乘閒出擊十一日馬步賊衆已
由東南兩路分股逼近關外圩濠勢極兇猛副
都統薩薩布趕帶馬隊迎頭截勦斃匪數名賊
勢稍卻我兵追過土岡遙見賊隊紅黃雜色旗
幟迷漫無際我軍馬步橫列擋住勢將不支飛
飭遊擊李安邦道員葉春培各帶勇隊共六百
餘名迎前衝擊自辰至午接戰三時我軍人數

太少賊隊甚多復添調參將馬陞率川楚勇由西北會攻該逆營見官軍層出不知虛實相率退竄十二日賊以游騎紛擾西南希冀亂我軍心疏防東北另股由三里灣地方搭造浮橋將次成就該處爲沙泉兩河交匯一經搶渡即可薄我關下當令李安邦馬陞葉春培與遊擊魯占魁等各挑奮勇攜帶火器前往焚燒逆匪三

四百人列隊東岸其偷渡西岸者被我軍殺傷殆盡逆衆轉船移傍東岸我勇施放火器燃燒賊船數隻馬陸復開槍礮對岸轟擊斃賊甚多兵勇鳴水奪獲賊船四十一隻敗賊乘夜潛逃查此次粵逆糾合匪衆併撲城垣極爲猖獗彼衆我寡雖連日尙未失利而大股髮逆尙屯郡城之東助逆奸民亦均未散據前乞投誠之郭

名棟密稟狗逆由廬郡續發兩隊逆匪號稱八
萬踵至潁上以西僞主將馬逆所帶匪衆名爲
土營備空地道張落刑復糾捻黨合夥併力攻
城並分股繞至太和沈邱各縣絕餉道而阻援
兵潁郡一城關繫北路全局餉匱兵單實有不
可終日之勢惟有仰懇

天恩飭催勝保所派前隊總兵成祿一軍兼程南來

並湖北撫臣李續宜速調霍六防軍由三河尖一帶馳抵郡城仍懇

飭下袁甲三李世忠迅派兵勇合力援勦臣一面竭力支持勉盡職守再潁郡需餉甚急豫省欠解月餉至十九萬兩屢催罔應惟有顙懇

聖恩飭下河南撫臣無論何款先行籌解銀數萬兩以資接濟而免譁潰奏入

上命議政王軍機大臣傳諭官文袁甲三李世忠彭
玉麟李續宜嚴樹森賈臻曰前因賈臻奏稱髮捻
有犯潁上之信曾諭令袁甲三等派兵馳援現在
直撲潁郡雖經擊退而陳逆有續派逆衆八萬赴
潁之說袁甲三督辦皖省軍務賊勢如此鴟張何
以毫無聞見從無一字奏報殊堪駭異著袁甲三
確探實在情形奏聞一面會同李世忠酌派兵勇

繞赴潁郡協同防勦其進勦機宜亦卽迅速馳奏
淮南漸次肅清而潁郡地據形勝實爲淮北鎖鑰
著官文李續宜彭玉麟會商酌量情形迅撥兵勇
派委得力大員統帶由三河尖繞赴潁郡如實在
無兵可撥卽商同曾國藩設法抽調以保名城賈
臻以本省藩司自當就近會商袁甲三等撥兵協
勦勝保遠在數千里外豈能剋期援救殊屬不知

緩急著卽就現有兵勇並會商袁甲三派兵協勦
儒袁甲三有心漠視即可據實揭參豫省應解本
年皖餉著嚴樹森無論何款先行籌撥數萬兩迅
速解赴潁州軍營其未解到以前卽由該藩司妥
爲籌濟毋令兵勇飢潰儻潁郡有失朕必重治其
罪決不寬貸

二十四日丁丑四川總督駱秉章奏言據署酉陽

州知州王麟稟報石逆擁衆四五萬由湖南靖
州竄擾沅州麻陽偏近鎮筸一帶臣查石逆由
粵入楚勢漸西趨專意窺伺川疆劉嶽昭一軍
現由湖北先撥五營前赴施南勦辦來鳳股匪
該道親督四營暫駐宜昌候領月餉此軍久經
行陣臣已飛檄劉嶽昭卽日拔營並調合全隊
馳赴夔萬確切偵探如石逆已竄偏酉秀卽由

黔江趨赴迎勦鑑石逆與來鳳之賊合股竄向
利川卽由萬縣進兵扼截惟劉嶽昭一軍四千
餘人尙嫌單薄臣又飛咨署貴州巡撫提臣田
興恕由黔撥兵合力堵擊仰懇

天恩飭下田興恕速派總兵沈宏富劉義方熊煥章
酌帶得力兵勇五六千人馳赴松桃銅仁一帶
與劉嶽昭會合相機勦辦以厚兵力而殄逆氛

奏八

上命議政王軍機大臣傳諭官文李續宜駱秉章毛鴻賓曰駱秉章奏石逆擁衆四五萬由湖南靖州竄擾沅州麻陽逼近鎮筸一帶勢漸西趨專意窺伺川疆已飛檄道員劉嶽昭卽日拔營並調全隊馳赴夔萬確切偵探迎剿並請飭田興恕速派兵勇合擊等語所籌均合機宜本日已諭知田興恕

迅派總兵沈宏富等酌帶得力兵勇五六千人馳
赴松桃銅仁一帶與劉嶽昭會合勦辦矣劉嶽昭
一軍現在施南勦辦來鳳股匪此軍久經行陣著
官文李續宜毛鴻賓飛飭該員卽調全軍馳赴變
萬一帶探賊所向迎頭扼截並令與湖南官軍會
合勦辦以期殲除巨惡昨據毛鴻賓奏飭劉嶽昭
分營由鶴峯州邊界進規來鳳兼顧永定龍山如

果石逆一股勢將合併便可橫出邀擊等情與駱秉章所奏大意相同惟該員所部僅四千人恐未能分營兼顧現在賊勢趨重何路官文等卽飭該道由何路進剿隨時會商辦理毋得稍存畛域之見致誤事機

上又命議政王軍機大臣傳諭田興恕韓超曰昨據毛鴻賓奏石逆被勦竄由懷化驛徑趨浦市恐其

窺伺黔蜀當經諭令田興恕將前次派出之總兵
成應洪等軍催令馳赴會同相機夾擊茲據駱秉
章奏石逆由粵入楚勢漸西趨其爲圖竄川疆已
可概見駱秉章已飛檄劉嶽昭調合全隊馳赴夔
萬如該逆竄逼酉秀卽由黔江迎勦儻與來鳳之
賊合股竄向利川卽由萬縣進兵惟該員所部僅
四千餘人請飭田興恕速派總兵沈宏富劉義方

熊煥章酌帶兵勇五六千人馳赴松桃銅仁一帶
與劉嶽昭會合勦辦等語石達開垂涎川省已久
此次率衆西趨深虞關入著田興恕卽行挑選精
銳兵勇五六十人派令總兵沈宏富劉義方熊煥
章管帶剋日馳赴松桃銅仁一帶探明賊蹤所向
會同劉嶽昭迎頭攔截與湖南官兵實力擊勦務
令就地殲除勿任得入川境其成應洪一軍仍遵

前旨飭赴會同助勦勿致遲緩有誤事機現署貴
州臬司道員韓超已明降諭旨賞給該員二品頂
戴署理貴州巡撫此後該省軍情卽著田興恕韓
超會同奏報除合省武職本應歸田興恕節制外
其文職各員舉劾均著韓超覈奏以便田興恕專
辦軍務

同日袁甲三奏言自定遠克復楚皖兩軍聲息

漸通亟宜乘勢肅清江北奈狗逆踞守廬州分
布賊黨力圖抗拒定城初復必先嚴密布置並
一面收撫南路圩練以定人心而孤賊勢然後
會合楚師兩面夾擊方可制其死命當經飭令
袁保恆等悉心查勘妥爲料理現留副將蔣得
遇遊擊張景春各帶所部共一千五百餘人駐
守定城復挑選西南西北兩路團練壯丁一千

餘名發給口糧協同固守於城外水面回繞之處築堰停蓄俾令環抱三面可阻人馬以設重險其四鄉民練東路民氣柔弱逃亡殆盡西南北三路風俗强悍築圩自守未能一律純正東南爲廬巢通定遠要道現派公正紳董聯絡各圩團練扼賊來路復委前署定遠縣知縣沈鑑幫辦定遠團練以聯聲氣其東至滁來北達臨

淮二三百里中人少地荒亦卽設法招墾以儲
軍食至前次內應克城之吳永璧吳殿元向與
褚開泰吳開會等練極相聯屬前經飭令來營
面授機宜一面整備守禦一面密諭本地僞官
及狗逆黨衆妥爲解散現據先後稟報狗逆屢
挫之後人心離散復經多方開導由定退回梁
園之玲天福高意誠坐守店埠之僞軍帥童杰

均已輸款約定官軍一到卽倒戈殺賊並稟稱
狗逆之黨涵天義羅姓稽天義曾姓材天安黃
姓叨天福蕭姓平日常有畏罪輸誠之意現經
勸諭來歸其近城各練被擾不堪亦思奮力助
剿廬郡機有可乘惟臣營兵力本單復經分守
定城上游防守喫緊未便輕移固鎮有大股賊
匪竄擾現撥馬步大隊剿辦尙未得手袁保恆

回駐長淮衛往來經理不敢貪功前進以致上
游疏失前次派赴六安之副將徐鶴回營稟稱
道員蔣凝學總兵成大吉蕭慶衍現駐六霍水
陸布置尙未周妥不能直抵壽州荊州將軍多
隆阿前隊距廬州數十里雖屢獲勝仗尙須步
步爲營未能遽至廬州城下狗逆大隊前由青
龍廠竄至獨山派河等處現又退回廬城西北

數十里游弋除飭兵練嚴守外仍與多隆阿蔣
凝學等往返函商俟曾國藩李續宜彭玉麟等
定議約期卽南北會合大舉臣營四面受敵不
敢稍涉疏虞一俟兵勢漸合餉項稍集徐圖前
進再據道員蔣凝學稟稱該道及總兵成大吉
蕭慶衍共帶一萬餘人現由六安爲進攻壽州
之計多隆阿另帶二萬餘人由舒城規取廬郡

刻下廬郡賊心渙散事機可乘聞曾國藩已與
官文函商以彭玉麟向帶水師陸路恐不相宜
擬奏請與李續宜對調究竟如何定議曾否具
奏臣尙未得確信惟事不宜遲無論是否對調
均應請

旨飭令迅速到任臣亦當豫備接應共圖埽蕩以靖
賊氛奏入

上命議政王軍機大臣傳諭僧格林沁袁甲三田在
田吳棠曰袁甲三奏辦理定遠善後已有頭緒亟
圖聯絡楚師規復廬郡覽奏均悉固鎮爲北路衝
途雖經袁甲三派將領渡滻繁營惟兵勇分布要
隘不敷抽撥如該逆果以另股東竄則睢宿一帶
處處空虛甚爲可慮著田在田派撥馬隊由北路
確探進剿以牽賊勢僧格林沁勦辦曹州匪徒能

否抽撥兵勇兼顧睢宿著酌度辦理並著吳棠迅
派勁旅前赴桃源一帶擇要紮營以固清淮門戶
至袁甲三駐臨多年兵勇不少何以云不能移師
遠征意存推諉殊屬非是著迅速派撥勁兵與田
在田吳棠等派出之兵聯絡聲勢將敗竄回圩賊
匪奮力勦除勿任牽掣昨據賈臻奏潁郡危急情
形當經諭令袁甲三確探奏聞一面會商李世忠

派兵繞赴潁州援救本日奏報仍未知賊匪欲犯
潁州臨淮距潁郡不遠何以視同秦越殊不可解
著懷遵前旨與李世忠賈臻會商援應毋再遲延
于咎

同日

上諭內閣曰前因安徽軍務緊要特授彭玉麟爲安
徽巡撫屢據該撫陳奏以向帶水師不習吏治懇

辭至再自係實情彭玉麟著開缺以水師提督記
名遇缺提奏

二十五日

戊寅

薛煥奏言據守備張大剛稟稱奉

委管帶礮船十五隻駛至海鹽縣屬澉浦相近
之黃道關駐泊卽將陸續運到米糧軍火各件
設法撥進鼈子亹本月初一日忽有杭州逃出
兵勇據云省城於十一月二十八日卯刻失守

城中各官毫無信息惟聞將軍瑞昌巡撫王有齡均已殉難等語又據總兵況文榜咨稱省城被圍日久餉道隔絕節經晝夜攻勦冀圖力解城圍十一月二十五日督隊接仗被賊礮子穿入頸項登時昏絕倒地親兵搶護回營不能督戰卽日將陸路諸軍一切事宜咨交總兵羅大春暫行接辦等語並據羅大春咨稱前在嚴州

突圍出城身受重傷至今傷尚未愈十一月二十六日因上海解到米糧軍火帶傷護解赴杭值況文榜受傷沈重卽經會同水陸諸將不分晝夜極力進攻二十七日各軍在望江門外鏖戰通宵警見賊匪已由鳳山清波兩門搭架雲梯上城城中火光燭天城上黃旗滿布卽於二十八日卯刻失守該總兵督率陸軍仍守營盤

與江中水師互爲聲援二十九日該逆圍城之衆萃於江干我軍寡不敵衆兵勇傷亡甚多祇得潰圍而退統率水師之副將貴廷芳所帶戰船相繼亦潰貴廷芳未知下落現抵黃道關者惟該總兵與況文榜及總兵吳再升副將陳步高暨將弁二十餘員所存陸軍未及千人水師僅存廣艇等語查浙江省城自九月下旬被圍

兩月有餘撫臣王有齡會同將軍副都統及文武各員登陴固守日督諸軍出城擊賊屢經獲勝曾於十月初聞暫解城圍無如賊衆二三十萬旋復分布十門環布數重隔絕外援城中米糧罄盡兵勇飢困難支城外各軍晝夜力攻不能疏遯餉道以致爲賊所乘城陷之後賊蹤徧地無人出城報信傳聞將軍巡撫殉難其餘文

武各員均尙未知下落臣已飛飭委員赴浙探
查詳細情形俟得有確音再行奏報一面飛咨
兩江總督臣曾國藩太常寺卿臣左宗棠星夜
進兵並咨閩浙督臣慶端督軍會勦迅圖克復
薛煥又奏言浙江省城旣陷逆匪兇燄愈張勢
將恃衆以窺松滬臣前因蘇城賊匪多赴杭州
擬卽乘機襲攻青浦疊經咨商署提臣曾秉忠

督同署提標參將李恆嵩選派將士水陸並進
飭參將姜德等由大場月浦進攻南翔羅店賊
巢以圖嘉定月餘以來曾乘忠及李恆嵩所派
各軍由朱家角等處前進因桐石村賊卡甚堅
屢攻未能得手尙未直薄青城而嘉定之賊頻
由江橋紀王廟鎮出竄又聞平湖乍浦近時添
賊甚多探係自杭調來號稱十萬之衆竄至後

岡新倉等處聲言欲犯黃浦東南各廳縣另股
撲過大泖塘意圖直竄洙涇並欲攔截吳淞口
以斷上海商民出入之路儻浙江省數十萬逆衆
全注海濱深慮賊衆兵單不敷抵禦臣現囑曾
秉忠暫緩進攻青浦督飭李恆嵩等先固內防
以備不虞前因規復蘇城兵力不足曾委員乞
師於督臣曾國藩並派副將滕嗣林前赴湖南

選募勇丁以資調遣嗣接曾國藩覆函擬俟道員曾國荃募勇回營以新勇換防安慶等處卽令統帶老勇八千人赴滬助勦囑臣籌撥軍糈臣卽飭署蘇藩司吳煦設措銀七萬兩委員馳解安慶以利遄行現在藤嗣林所募之勇已有數百人抵滬臣惟當就現有兵力嚴密布置一而再咨曾國藩速令曾國荃鼓行而前東南大

局庶有轉機參將張鳳翔稟稱浙江潰軍航海
退至吳淞口者不少臣已飭該參將卽將潰軍
船隻截留海口之外查明妥爲安插如有奸匪
溷跡立卽密拏究辦

薛煥又奏言據江西候補道胡光墉稟稱奉委
航海赴杭前詣總兵況文榜等軍營懸立重賞
激勵攻勦冀將米糧軍火等物運入城中無奈

賊圍重疊未通一綫之路十一月二十八日城垣竟致失陷旋有兵勇縋城逃出稟述浙江巡撫王有齡在鳳山門城上殉難其餘文武員弁未悉存亡又有營弁於十二日奉差密齎帛書出城不能偷越重圍直至城陷後始至江干遞交該道齎送前來臣披閱浙江撫臣帛書內有與杭州將軍臣瑞昌聯銜摺稟一紙囑臣代爲

恭繕拜發謹卽照繕恭呈

御覽伏思該撫臣任事實心不避艱險上年蒞任浙
省正值殘破之餘防禦拊循不遺餘力此次嬰
城固守六十餘日糧盡援絕力疾登陴平日恩
義所孚兵民感戴故雖死亡垂盡合城無有貳
心卽今在滬浙人聞其力竭捐軀無不同聲悲
痛合無仰懇

天恩飭部從優議卹以慰忠魂至該撫臣殉難情形
及將軍以下文武各員仍俟查明續奏

同日瑞昌王有齡奏言查臣有齡於本年十一
月初七日專勇齎帛書將杭城四面被圍江路
阻絕城中兵民交困各情形交江蘇撫臣薛煥
據情代陳現在十門圍緊賊衆愈集愈多疊次
督同飢軍並密約江干各營會合夾擊計大小

晝夜數十戰竟不能開通一綫餉道城內糧食
淨盡兵弁忍飢固守勢將無力舉戈初虞糧盡
內變經臣等涕泣拊循均各效死相從絕無貳
志臣等奉職無狀致軍民坐以待斃久已痛不
欲生第喘息尙存總以多殺一賊多持一日爲
念杭城經去年兵燹之後戶鮮蓋藏米糧一切
均由甯紹販運卽軍餉亦資該處接濟自金蘭

不守後臣等早經籌計須重防以固甯紹一綫
餉源乃始飭甯紹道張景渠繼又疊飭運司莊
煥文候補道彭斯舉各帶兵勇設防均經王履
謙議格不行又復袒庇紳富因之捐借俱窮固
執已見諸事掣肘臣等猶思設法防禦查有廖
宗元與湖紳趙景賢歷守危城一載有餘調署
紹興府力籌布置乃違大紳不願設防之意人

遂誣以通賊痛毆王履謙從旁袖手比及城陷而走卒致廖宗元城亡與亡從此甯紹各屬相繼失陷而杭城已成孤注無可救解矣貽誤全局臣死不瞑目刻下餉絕援窮危在呼吸事負聖恩罪無可逭惟求

皇上簡發重兵迅圖埽蕩則臣等雖死之日猶生之年謹將杭城決裂情形合詞備具摺稟密遞上

海交江蘇撫臣薛煥代籌具奏均奏入

上命議政王軍機大臣傳諭曾國藩慶端左宗棠薛
煥曰薛煥奏據報浙江省城糧盡援絕已於十一
月二十八日失守瑞昌王有齡均已殉難並代遞
奏摺各等語覽奏曷勝憤懣已明降諭旨將慶端
革職暫留本任曾國藩交部議處矣慶端屢請援
浙迨聞浙報日警猶復藉口北路喫緊日事遷延

實屬心存畏葸現在浙省卒以待援不到力竭城陷著慶端迅卽馳赴閩浙交界地方駐紮並迅催曾元福所募臺勇卽日內渡並飭顏青雲由海道赴援乘該逆布置未定之時迅圖攻復省城及失陷各郡縣以贖前愆儻敢仍前退縮致誤事機朕必重治其罪左宗棠已授浙江巡撫責無旁貸刻下計已抵浙著卽會合閩師分道進攻毋令該逆

久踞曾國藩飭令鮑超速攻甯國以便進規浙江省
爲左宗棠後路聲援是爲至要此時悍匪羣聚杭
城蘇常守禦必懈若能分兵直擣蘇常便可由嘉
湖以扼杭城之背使該匪應接不暇未始非出奇
制勝之策著曾國藩薛煥酌度情形妥籌辦理至
賊匪攻陷杭城後兇橫愈張勢將窺伺松滬著薛
煥卽飭曾秉忠等緩攻青浦先固內防膝嗣林所

募楚勇已經抵滬卽著妥爲布置以保完善之區
曾國荃募勇曾否回營並著曾國藩催令統帶老
勇八千人赴滬助勦浙江潰軍航海退至吳淞口
著薛煥飭令防堵吳淞口參將張鳳翔將潰軍船
隻截留海口之外查明妥爲安插毋使奸匪溷跡
再據薛煥代遞瑞昌王有齡奏摺有前飭甯紹台
道張景渠等嚴防甯紹經王履謙議格不行又復

卷之三
祖庇紳富以致捐借俱窮署紹興府知府廖宗元
力籌布置以違王履謙不願設防之意遂誣以通
賊因而痛毆王履謙從旁袖手比及城陷而走廖
宗元殉難甯紹遠陷等語王履謙以幫辦團練之
員臨難蒼黃出城前經降旨革職拏問交曾國藩
查辦若如瑞昌等所奏種種貽誤實屬罪無可逭
著曾國藩確切查明如果該革員有阻撓設防袒

庇紳富各情卽行嚴參治罪

上諭內閣曰薛煥奏據報浙江省城失守並代遞瑞昌王有端奏摺杭城久困危急情形等語浙江省城被圍已逾兩月卒以糧盡援絕於十一月二十八日被匪攻陷覽奏曷勝憤懣閩浙總督慶端身任兼圻遷延不進以致杭城失陷實屬救援不力慶端著卽革職暫留本任仍責令帶兵迅圖克復

浙江失陷各城以贖前愆兩江總督曾國藩有節制浙江全省之責咎亦難辭著交部議處杭州將軍瑞昌浙江巡撫王有齡殉難情形及在城文武下落著曾國藩慶端左宗棠查明具奏再降諭旨補用總兵況文榜記名總兵羅大春吳再升副將貴廷芳陳步高等先後潰退並著曾國藩慶端查明如有先期潰散情事著卽嚴叅治罪

同日

上命議政王軍機大臣傳諭官文嚴樹森曾國藩李續宜鄭元善曰據袁甲三奏稱狗逆屢挫之後其黨皆思倒戈廬州近城各練亦皆願奮力助勦現在蔣凝學等由六安進攻壽州多隆阿由舒城規取廬郡事機所湊未可多延時日等語粵逆困守廬州勢已窮蹙現在賊中吳永璧等願爲內應並

倒戈殺賊附城各圩復願助勦著曾國藩飭令多
隆阿迅速進兵並密約袁甲三激勵內應及合圩
團練剋期舉事以期速復城池無稍觀望至該逆
勾結捻匪撲擾潁州袁甲三未能越壽赴援賈臻
復萬不足恃設有疏虞爲患匪經前因彭玉麟於
皖撫固辭不就尙未簡放有人而皖事日形緊迫
狗逆苗練兜談甚熾旣據袁甲三有以李續宜爲

皖撫之請是以不及候曾國藩覆奏業經授李續
宜爲安徽巡撫嚴樹森爲湖北巡撫鄭元善爲河
南巡撫均迅速各赴新任毋庸來京請訓著曾國
藩酌量情形一面迅速催蔣凝學多隆阿等分道進
兵官文催令李續宜帶兵馳赴皖撫新任繞赴淮
北擇要駐紮調度一切與袁甲三共圖埽蕩粵逆
並籌商勦辦苗練萬勿遲緩並著嚴樹森將在豫

兵勇交鄭元善督帶後卽行馳赴湖北巡撫之任至髮捻各匪竄潁卽爲窺豫之計鄭元善於該省情形素所熟悉自能布置邊防惟近防不如遠勦著該撫會同毛昶熙調撥兵勇派委得力大員統帶剋日出境會同楚皖各軍實力勦辦速殲醜類儻任賊衆西趨或致北犯惟鄭元善是問

同日

上諭內閣曰昨因安徽巡撫彭玉麟自陳不習吏治
懇請開缺當經俯允所請降旨以水師提督記名
遇缺提奏惟該員本保文職出身現在帶領水師
有節制鎮將之任驟令改膺武職恐不足以資統
率彭玉麟著以兵部侍郎候補